

四庫全書

集部

欽定四庫全書

集部

石倉歷代詩選卷九十三至五

詳校官庶吉士臣范逢恩

侍讀臣孫球覆勘

總校官進士臣朱鈐

校對官中書臣孫球

謄錄監生臣張永浙

欽定四庫全書

石倉歷代詩選卷九十三

明 曹學佺 編

晚唐二十

黃滔

字文江  
莆田人

送僧歸北巖寺

北巖泉石清本自高僧住新松五十年藤蘿成古樹題  
詩昔佳士清風二林喻上智失扣關多被浮名誤蓮局

壓月澗空美黃金布江翻島嶼沈木落樓臺露伊余東  
還際每起烟霞慕儉府旋見招未得窮野步西軒白雲  
閣師辭洞庭寓越城今送歸心到焚香處

落花

落花辭高樹最是愁人處一一旋成泥日暮有風雨不  
如沙上蓬根斷隨長風飄然與道俱無情任西東

寄鄭縣李侍御

古縣新烟火東齋八客詩靜長如假日貧更甚閒時僧

借松蘿佳人將雨雪期三年一官罷岳石看城碑

送李補闕

十洲非暫別龍尾肯慵登諫草封山藥朝衣施衲僧月  
留江客待句歷釣船徵終恐林棲去餐霞學上昇

書崔少府君

魯史蜀琴旁陶然舉一觴夕陽明島嶼秋水淺池塘世  
亂憐官替家貧值歲荒前峰亦曾宿知有辟寒方

敷水廬校書

九霄無詔下何事近清塵宅帶松蘿僻日惟猿鳥親吟  
高仙掌月期有洞庭人莫問烟霞句懸知見岳神

寄漢上友人

襄漢多清景東遊已不能蒹葭照流水風雨撲孤燈獻  
賦聞新雁思山見去僧知君北來日惆悵亦難勝

秋辭江南

潮陵橋上路難負一年期積雨鴻來夜重江客去時勞  
生多故疾漸老少新知惆悵都堂內無門雪滯遺

貽李山人

野步愛江濱  
江僧得見頻  
新文無古集  
往事有清塵  
松竹寒時雨  
池塘勝處春  
定應雲雨內  
陶謝是前身

寄邊上從事

斜日下孤城  
長吟出點兵  
羽書和客卷  
邊思雜詩情  
朔雪遲鴻翼  
西風嚴角聲  
吟餘多獨坐  
沙月對樓生

退居

老歸江上村  
孤寂欲何言  
世亂時人物  
家貧後子孫  
青

山寒帶雨古木夜啼猿惆悵西川舉戎裝度劔門

遊東林寺

平生愛山水下馬虎谿時已到終嫌晚重遊預作期寺  
寒三伏雨松偃數朝枝翻譯如曾見白蓮開舊池

憶廬山舊遊

前年入廬嶽數宿在靈溪殘燭松堂掩孤峰月狔啼平  
生為客老勝境失雲栖縱有重遊日烟霞會恐迷

寄友人山居



斷嶠滄江上相思恨阻尋高齋秋不掩幾夜月當吟落  
石有泉滴滿庭皆樹陰茫茫名利客何以拂塵襟

上刑部盧員外

誰識在官意開門樹色間尋幽頻宿寺乞假擬歸山半  
白侵吟鬢微紅見藥顏不知今夜月幾客得同閒

送友人遊邊

魯酒不能濃縱傾愁亦重關河初落日霜雪下窮冬野  
燒枯蓬旋沙風足馬衝薊門休易過千里斷人蹤

和友人酬寄

新發烟霞詠高人得以傳吟銷松際雨冷咽石間泉大  
國兵戈日故鄉飢饉年相逢江海上寧免一潸然

下第

昨夜孤燈下闌干泣數行辭家從早歲落第在初場青  
草湖田改單車客路忙何人立功業新命到封王

旅懷

蕭颯聞風葉驚時不自堪宦名中夜切人事長年諳古

畫僧留與新知遇客談鄉心隨去雁一一到江南

題友人山齋

到君棲跡所竹逕與衡門亦在人寰內獨無塵俗誼新  
泉浮石蘚崩壁露松根更說尋僧處孤峰上嘯猿

逢友人

彼此若飄蓬二年何所從帝都秋未入江館夜相逢瘴  
嶺行衝夏邊沙住隔冬旅愁論未盡古寺扣晨鐘

寄湘中鄭明府

縣與白雲連滄洲況縣前嶽僧同夜坐江月看秋圓琴  
拂莎庭石茶擔乳洞泉莫耽雲水興疲俗待君痊

寄少常盧同年

官拜少常休青綈換鹿裘狂歌離樂府醉夢到瀛洲古  
器崖耕得神方客謎留清溪莫沉釣王者或畋遊

塞上

掘地破重城燒山搜伏兵金徽轉嗚咽玉笛自淒清使  
發西都聳塵空北嶽橫長河涉有路曠野宿無程沙雨

黃鶯轉轅門青草生馬歸秦苑牧人在寒雲耕落日牛  
羊聚秋風鼓角鳴如何漢天子青塚杳含情

河南府試秋夕聞新雁

湘南飛去日薊北乍驚秋叫出隴雲夜聞為客子愁一  
聲初觸夢半白已侵頭旅館難歌枕江城莫倚樓餘燈  
依古壁片月下滄洲寂聽良宵徹躊躇感歲流

廣州試越臺懷古

南越千年事興懷一旦來歌鐘非舊俗烟月有層臺北

望人何在東流水不回吹窻風雜瘴霑檻雨經梅壯氣  
曾摧抑空名信可哀不堪登覽處花落與花開

省試內出白鹿宣示百官

上瑞何曾乏毛羣表色難推于五靈少宣示百僚觀形  
奪場駒潔光交月兔寒已馴瑤草列孤立雪花團戴豸  
慙端士抽毫躍史官貴臣歌詠日皆作白麟看

和王舍人崔補闕題天王寺

郭內青山寺難論此最奇白雲生院落流水下城池石

像雷霆啓江沙鼎鼐期  
嶽僧來坐律秦客會題詩  
岡轉泉根細門昇蘚級危  
紫薇今日句黃絹昔年碑  
歇鶴松低閣鳴蛩徑出籬  
粉垣千堵束金塔九層支  
啼鳥笙簧韻開花錦繡姿  
清齋奔井邑玄髮剃熊羆  
極浦征帆小平蕪落日遲  
風篁清却暑烟草綠無時  
信士三公作靈蹤四絕推  
良遊如不宿明月擬何之

商山贈隱者

誰不相逢話息機  
九重城裏自依依  
蓬萊水淺有人說

商洛山高無客歸，數隻珍禽寒月在千株。  
古木夏時稀，西窗昨夜鳴蛩盡。知夢芝翁起扣扉。

送友人遊湘中

千里湘江暮雨晴，同征肯恨迹如萍。  
孤舟少泊聯詩句，八月中旬宿洞庭。  
為客早悲烟草綠，移家晚失岳峰青。  
今來無計相從去，歸日汀州乞畫屏。

寄懷南北故人

秋風昨夜落芙蓉，一片離心到外區。  
南海浪高書墮水，



北州城有幕巢烏玉牕挑鳳佳人老綺陌啼鶯碧樹枯  
嶺上青嵐隴頭月時通魂夢出來無

閨怨

寸心杳與馬蹄隨如蛻形容在錦帷江上月明船發後  
花間日暮信迴時五陵夜作酬恩計四塞秋為破敵期  
待到乘輶入門處淚珠流盡玉顏衰

旅懷

未喫金丹看十洲乃將身世作仇讎羈遊數地值兵亂

宿在孤城聞雨秋東越雲山却思隱西秦霜霰苦頻留  
他人折盡月中桂惆悵當年江上鷗

雁

楚岸花晴塞柳衰年年南北去來期江城日暮見飛處  
旅館月明聞度時萬里風霜休更恨滿川烟草且須疑  
洞庭雲水瀟湘雨好把寒更一一知

寄蔣先輩

夫差宮苑悉蒼苔攜客朝遊暮未回塚上題詩蘇小見

江頭酹酒伍員來  
秋風急處烟花落  
明月中時水寺開  
千載三吳有高迹  
虎丘山翠更崔嵬

江上遇王侍御

數年分散秦吳隔  
暫泊官船浦柳中  
新草軍書名更重  
久辭山逕業應空  
渡頭潮落將行客  
天際風高未宿鴻  
此日相逢魂合斷  
賴君心事說來同

送僧

纔年七歲便從師  
猶說辭家學佛遲  
新斲松蘿還不住

愛尋雲水擬何之  
深溪雪滿維舟夜  
疊嶂猿啼過寺時  
鳥道龍湫悉行後  
豈將翻譯負心期

故山

支頤默省舊林泉  
石逕茅堂到目前  
衰碧鳴蛩莎有露  
濃陰歇鹿樹無烟  
水從井底通滄海  
山在牕中倚遠天  
何事蒼髯不歸去  
燕昭臺上一年年

塞上

塞門關外日光微  
角怨單于雁駐飛  
衡水路從冰解斷

榆城人到月明歸燕山臘雪銷金甲秦苑秋風脆錦衣  
欲弔昭君倍惆悵漢家甥舅竟相違

酬翁文堯駐南臺見寄之什

人指南臺山與川大驚佳氣異當年花迎金冊非時墜  
月到瓊杯此夜圓我愛藏冰從夏結君憐脩竹到冬鮮  
殷勤更抱鳴琴撫為憶秦兒識斷絃

輦下偶題

對酒何曾醉尋僧未覺閒無人不惆悵終日見南山

秋思

碧嶂猿啼夜新秋雨霽天誰人愛明月露坐洞庭船

夏州道中

隴岸南飛河水流秦城千里忍回頭我行自與求名背

九月中旬往夏州

捲簾

綠鬟侍女手纖纖新捧嫦娥出素蟾衛玠官高難久立

莫辭雙卷水晶簾

翁承贊

字文饒  
福清人

晨興

晨起竹軒外  
逍遙清興多  
早涼生戶牖  
孤月照闌河  
旅食甘藜藿  
歸心憶薜蘿  
一樽如有地  
故意且狂歌

寄舍弟承裕員外

江花岸草獨萋萋  
公子王孫思合迷  
無主園林饒折伐  
忘情鷗鳥自高低  
長淮月上魚翻鬣  
荒渚人稀獺印蹄  
何事斜陽載回首  
休愁離別雁山西

奉使封王次宜春驛

微宦淹留髮已斑此心長憶舊林泉不因列土封千乘  
爭得銜恩拜二天雲斷自宜鄉樹出月高猶伴客心懸  
夜來夢到南臺上徧看江山勝往年

訪建陽馬驛僧靈耀亞齊

瀟瀟風雨建陽溪溪畔維舟訪亞齊一軸新詩劍潭北  
十年曾識華山西吟魂昔向江村老空性元知世路迷  
應笑乘軺青瑣客此時無暇聽猿啼



題壺山

井邑斜連北蓬瀛直倚東秋高岳溜白日上海波紅

題槐

雨中妝點望中黃勾引蟬聲送夕陽憶昔當年隨計吏  
馬蹄終日為君忙

書齋謾興

池塘三五尺深水籬落兩三般樣花過客不須頻問姓  
讀書聲裏是吾家

石倉歷代詩選卷九十三

欽定四庫全書

石倉歷代詩選卷九十四

明 曹學佺 編

晚唐二十一

林寬

侯官人

送李員外之建州

句踐江頭月客星  
臺畔松為郎久不見  
出守暫相逢  
鳥泊牽灘索花空  
押號鐘遠人思  
化切休上武夷峰

寄省中知己

門掩清曹晚靜將  
烏府隣花開封印  
早雪下典衣頻怪  
木風吹閣廢巢時  
落薪每憐吾道苦  
長說向同人

陪鄭誠郎中假日省中寓直

憲廳名最重假日  
許從容牀滿諸司  
印庭高五粒松井  
尋芸吏汲茶拆岳  
僧封烏度簾旌暮  
猶吟隔苑鐘

塞上還答友人

無端遊絕塞歸髮  
已蒼然戎羯圍中  
過風沙馬上眠草

衰頻遇燒耳冷不聞蟬從此甘貧坐休言更到邊

哭栖白供奉

侍輦才難得三朝有上人琢詩方到骨至死不離貧風  
帳孤螢入霜階積葉頻夕陽門半掩過此亦無因

送人歸日東

滄溟西畔望一望一心摧地即同正朔天教阻往來波  
翻夜作電鯨吼晝為雷門外人復遇到時花幾開

送昇道靜恭相公公司

東風時不遇果見致君難華岳影猶動鵬鵬勢未安星  
沉闕鎖冷雞唱驛燈殘誰問二賓客閉門嵩洛寒

關下早行

軋軋推危轍聽雞獨早行風吹宿靄散月照華山明白  
首東西客黃河晝夜清相逢皆有事惟我是閒情

送僧遊太白峰

雲深遊太白莫惜徧探奇頂上多靈跡塵中少客知懸  
崖倚凍瀑飛欵過枯枝出定更何事相逢必有詩

送惠補闕

詔下搜巖野高人入舊林長因抗疏日便作去官心清  
俸供僧盡滄洲寄跡深東門有歸路徒自棄華簪

和周繇校書先輩省中寓直

古木重門掩幽深祗欠溪此中真吏隱何必更巖棲名  
姓鐫幢記經書逐庫題字隨飛蠹缺階與落星齊伴直  
僧談靜侵霜蛩韻低粘塵賀草沒剝粉薛禽迷衰蘚牆  
千堵微陽菊半畦鼓殘鴟去北漏在月沉西每意終南

雪幾登雲閣梯時因搜句次那惜一招攜

省試臘後望春宮

皇都初度臘鳳輦出深宮高凭樓臺上遙瞻灞澹中仗  
凝霜彩白袍映日華紅柳眼方開凍鶯聲漸轉風御溝  
穿斷靄驪岫照斜空時見宸遊興因觀稼穡功

曲江

曲江初碧草初青萬轂千蹄匝岸行傾國妖姬雲鬢重  
薄徒公子雪衫輕瓊鐫狒狒遶觥舞金觥辟邪擎撥鳴



柳絮杏花留不得隨風處處逐歌聲

華清宮

殿角鐘殘立宿鴉朝元歸駕望無涯香泉空浸宮前草  
未到春時爭發花

聞雁

接影橫空背雪飛聲聲寒出玉關遲上陽宮裏三千夢  
月冷風清聞過時

周朴

字太朴吳興  
人流寓閩中

贈雙峰山和尚

我我雙髻山瀑布瀉雲間塵世自凝水禪門長去闕伏  
神松不異藏寶石俱閒向此師清業如何方可攀

送梁道士

舊居桐柏觀歸去愛安閒倒樹造新屋化人修古壇晚  
花霜後落山雨夜深寒應有同溪客相尋學鍊丹

邊思

年高來遠思白首罷干戈夜色薊門火秋聲邊塞風磧

浮悲馬老月滿引新弓百戰山陰去惟添上將雄

福州東禪寺

甌閩在郊外師院號東禪物得居來正人經論後賢爬  
槽柳塞馬蓋地月氏經鶴鵲尚巢頂惟堪舉世傳

宿玉泉寺

野寺度殘夏空房欲暮時夜聽猿不睡秋思客先知竹  
迴烟生薄山高月上遲又登塵路去難與老僧期

寄處士方干

桐廬江水寒終日對柴關因想別離處不知多少山釣  
舟春岸泊庭樹晚鶯還即便成棲隱松枝隔俗顏

次梧州却寄永州使君

隨風身不定今夜在蒼梧客淚有時有猿聲無處無潮  
添瘴海濶烟拂粵山孤却憶零陵佳吟詩半玉壺

秋夜不寐寄崔溫進士

愁多難得寐展轉讀書牀不是旅人病豈知秋夜長歸  
鄉憑遠夢無夢更思鄉枕上移牕月分明是淚光

春日途中寄巴南崔使君

旅人遊汲汲春氣又融融農事蛙聲裏歸程草色中獨  
慚出穀雨未變暖天風子玉和予去應憐恨不窮

董嶺水

湖州安吉縣門與白雲齊禹力不到處河聲流向西去  
衙山色遠近水月光低中有高人在沙中曳杖藜

昇山寺

昇山往昔道飛來此是神功不可猜氣色雖然離禹穴

峰巒猶自接天台  
崑邊古樹泉衝落  
頂上浮雲日照開  
南望閩城塵世界  
千秋萬古捲塵埃

登福州南澗寺

萬里重山繞福州  
南橫一道見溪流  
天邊飛鳥東西沒  
塵裏行人早晚休  
曉日青山當大海  
連雲古壑對高樓  
那堪望斷他鄉目  
只此蕭條自白頭

春日秦國懷古

荒郊一望欲銷魂  
徑木縈紆傍遠村  
牛馬放多春草盡

原田耕破古碑存雲和積雪蒼山晚烟伴殘陽綠樹昏  
數里黃沙行客路不堪回首思秦原

春日遊北園寄韓侍郎

灼灼春園晚色分露珠千點映寒雲多情舞蝶穿花去  
解語流鶯隔水聞冷酒杯中宜泛灑暖風林下自氤氲  
仙桃不肯全開折應借餘芳待使君

塞上曲

一隊風來一隊沙有人行處沒人家黃河九曲冰先合

紫塞三春不見花

塞下曲

石國邊人向磧東  
愛吹橫笛引秋風  
夜來雲雨皆飛盡  
月照平沙萬里空

詠猿

生在巫山更向西  
不知何事到巴溪  
中宵為憶秋雲伴  
遙隔朱門向月啼

弔李羣玉



羣玉才名冠李唐  
投詩換得校書郎  
冷魂散魄知何處  
空有幽蘭隔岸香

薛逢

字陶臣  
河東人

靈臺家兄古鏡歌

一尺圓潭深黑色  
篆文如絲人不識  
耕夫云住赫連城  
赫連城下親耕得  
鏡上磨瑩一月餘  
日中漸見菱花舒  
金膏洗拭銚涇盡  
黑雲吐出新蟾蜍  
人言此是千年物  
百鬼聞之形暗慄  
玉匣曾經龍照來  
豈宜更鑒農夫質

有時霹靂半夜驚窻中飛電如晦冥盤龍鱗帳玉匣溢  
牙爪觸風時有聲耕夫不解珍靈異翻懼赫連神作祟  
十十賣與靈臺兄百丈靈湫坐中至溢匣水色如玉傾  
兒童不敢窺泓澄寒光照人近不得坐愁雷電湫中生  
吾兄吾兄須愛惜將來慎勿虛拋擲興雲致雨會有時  
莫遣紅妝穢靈迹

君不見

君不見馬侍中氣吞河朔稱英雄君不見韋太尉二十

年前鎮蜀地一朝冥漠歸下泉功業聲名兩憔悴奉誠  
園裏蒿棘生長興街南沙路平當時帶礪在何處今日  
子孫無地耕或聞羈旅甘常調簿尉交參各天表清明  
縱使天使來一把紙錢風樹杪碑文半缺碑堂摧祁連  
塚象狐兔開野花似雪落何處棠梨樹下香風來馬侍  
中韋太尉盛去衰來片時事人生倏忽一夢中何必深  
根固權位

老去歎

惆悵人生不滿百一事無成頭雪白迴看幼男與老妻  
俱是途中送行客匣中舊鏡照膽明昔曾見我髭未生  
朝巾暮櫛不自省老皮皺縐文縱橫老去也爭奈何敲  
酒盞唱短歌短歌未竟日已沒月映西南庭樹柯

追昔行

朝光如飛猶尚可暮更如箭不容卧獐為穿城更漏頻  
一一皆從枕邊過一夕凡幾更一更凡幾聲青春枉向  
鏡中老白髮虛從愁裏生曾窺帝里東隣女自比桃花

鏡中許一朝嫁得征戍兒荷戈千里防秋去去時只作  
旦暮期別後死生俱不知風驚粉色入蟬鬢愁送鏡花  
潛墮枝前年因出長安陌見一女人頭雪白日中扶杖  
憩樹陰髣髴形容認相識向余吁嗟還獨語曾與君家  
隣舍住當時妾嫁與征人幾向牆頭誚夫主花開葉落  
何推遷屈指數當三十年頭眉薤葉同枯葉琴上朱綺  
成斷絃嫁時寶鏡依然在鵲影菱花滿光彩夢裏長嗟  
離別多愁中不覺容顏改歎息人生能幾何喜君顏貌

未蹉跎因君下馬重相顧請奏青門腸斷歌

醉春風

去年春似今年春依舊野花愁殺人  
健為縣裏古城上開是好花飛是塵  
戲蝶狂蜂相往返一枝花上聲千萬  
時節先從暖處開北枝未發南枝晚  
江城太守鬚髯蒼忽然置酒開華堂  
歌兒舞女亦隨後暫醉始知天地長  
頃年曾作東周掾同舍尋春屢開宴  
斗門亭上柳如絲洛水橋邊月如練  
洛陽風俗不禁街騎馬夜歸香滿懷

坐客爭吟碧雲句美人醉贈珊瑚釵日往月來何草草  
今年又較三年老槽中駿馬不能騎惆悵落花開滿道  
為報時人知不知看花對酒定無疑君看野外孤墳下  
石羊石馬家是誰

夏夜宴明月湖

夏夜宴南湖琴觴興不孤月搖天上桂星汎浦中珠助  
照螢隨舫添盤笋進厨聖恩思靜默堪守谷中愚

大水

暴雨逐驚雷從風忽驟來浪驅三島至江浙二儀開勢  
恐圓樞折聲疑厚軸摧冥心問元化天眼幾時開

北亭醉後敘舊贈東川陳書記

二十年前事盡空半隨波浪半隨風謀身喜斷韓雞尾  
辱命羞攜楚鶴籠符竹謬分錦水外妻孥猶隔散關東  
臨岐莫怪朱絃絕曾是君家入黉桐

送司徒相公赴闕

丞相銜恩赴闕時錦城寒菊始離披龍媒舊識朝天路



雞樹長虛八夢枝十載殿庭連步武兩來庸蜀撫疲羸  
莫愁中土無人識自有英明聖主知

送靈州田尚書

陰風獵獵滿旗竿白草颼颼劒戟攢九姓羌渾隨漢節  
六州番落跨戎鞍霜中八塞凋弓硬月下翻營玉帳寒  
今日路傍誰不指穰苴門戶慣登壇

座中走筆送前蕭使君

笙歌慘慘咽離筵槐柳陰陰五月天未學蘇秦歸佩印

却思平子賦歸田芙蓉欲綻溪邊蕊楊柳初迷渡口烟  
自笑無成今老大送君垂淚郭門前

重送徐州李從事商隱

晚乘征騎帶犀渠醉別都門慘袂初蓮府望高秦御史  
柳官官重漢尚書斬蛇澤畔人烟曉戲馬臺前樹影疎  
尺組掛身何用說古來名利盡丘墟

題白馬驛

晚麥芒乾風似秋旅人方作蜀門遊家林漸隔梁山遠

客路長依漢水流滿壁存亡俱幻夢百年榮辱不堪愁  
胸中憤氣文難遣強指豐碑哭武侯

詠柳

弱植驚風急自傷暮來翻遣思悠揚曾飄紫陌隨高下  
敢拂朱欄競短長縈砌乍飛還乍舞撲池如雪又如霜  
莫令岐路頻攀折漸擬垂陰到畫堂

芙蓉溪送前資州裴使君歸京寧拜戶部裴侍  
郎

桑柘林枯麴麥乾欲分離袂百憂攢臨溪莫話前途遠  
舉酒須歌後會難薄宦未甘霜髮改夾衣猶耐水風寒  
遙知阮巷歸寧日幾院兒童候馬看

宣政殿前陪位觀冊憲宗皇帝徽號

樓頭鐘鼓遞相催曙色當衙曉仗開孔雀扇分香案出  
袞龍衣動冊函來金泥照耀傳中旨玉節從容引上台  
盛禮永尊徽號畢聖慈南面不勝哀

元日樓前觀仗二首

千門曙色鏤寒梅五夜疎鐘曉箭催寶馬占堤朝闕去  
香車爭路進名來天臨玉几班初合日照金雞仗欲迴  
更傍紫微瞻北斗上林佳氣滿樓臺

其二

瞳瞳初日照樓臺漠漠祥雲雉扇開星駐冕旒三殿曉  
雲翻珠翠六宮來山呼聖壽烟霞動風轉金章鳥獸迴  
欲識普恩無遠近萬方歡忭一聲雷

醉間聞甘州曲

老聽笙歌亦解愁醉中因遣合甘州行追赤嶺千山外  
坐想黃河一曲流日暮豈堪征婦怨路傍能結旅人愁  
左綿刺史心先死淚滿朱絃催白頭

醉中看花因思去歲之任

去歲乘輶出上京軍機旦暮促前程狂花野草途中恨  
春月秋風劍外情愁見瘴烟遮路色厭聞溪水灘聲  
不辭醉伴諸年少羞對紅妝白髮生

長安春日

窮途日日困泥沙上苑年年好物華  
荊棘不當車馬道管絃長奏綺羅家  
王孫草上悠揚蝶少女風前爛熳花  
懶出任從遊子笑入門還是舊生涯

宮詞

十二樓中盡曉妝望仙樓上望君王  
王鎖銜金獸連環冷水滴銅龍畫漏長  
雲髻罷梳還對鏡羅衣欲換更添香  
遙窺正殿簾開處袍袴宮人掃御牀

漢武宮詞

漢武清齋夜築壇自斟明水醮仙官  
殿前玉女移香案  
雲際金人捧露盤  
絳節幾時還  
駐鶴碧桃何處更  
驂鸞  
茂陵烟雨埋弓劍  
石馬無聲蔓草寒

韋壽博書齋

玄晏先生已白頭  
不隨鵲鷺狎羣鷗  
元卿謝免開三選  
平仲朝歸卧一裘  
醉後獨知殷甲子  
病來猶作晉春秋  
塵纓未濯今如此  
野水無情處處流

潼關河亭



重岡如抱嶽如蹲屈曲秦川勢自尊  
天地併功開帝宅  
山河相湊東龍門櫓聲嘔軋中流渡  
柳色微茫遠岸村  
滿眼波濤終古事年來惆悵與誰論

送衢州崔員外

笑分銅虎別京師嶺下山川想到時  
紅樹暗藏殷浩宅  
綠蘿深覆偃王祠風茅向暖抽書帶  
露竹迎風舞釣絲  
休指巖西數歸日知君已負白雲期

潼關驛亭

河上關門日日開古今名利旋堪哀終軍壯節埋黃土  
楊震豐碑翳綠苔寸祿應知需有分一官常懼處非才  
猶驚往歲同袍者尚逐江東計吏來

五峰隱者

烟霞壁立水溶溶路轉崖回旦暮中  
鷗鷺畏人沉澗月山羊投石掛巖松  
高齋既許陪雲宿晚稻何妨為客舂  
今日見君嘉遯處悔將名利役疎慵

上吏部崔相公

龍門曾共戰驚瀾  
雷電浮雲出濬湍  
紫府有名同羽化  
碧霄無路却泥蟠  
公車未結王生襪  
客路虛彈貢禹冠  
今日鑪錘任真宰  
暫回風水不應難

送劉郎中牧杭州

一州橫制浙江灣  
臺榭參差積翠間  
樓下潮迴滄海浪  
枕邊雲起剡溪山  
吳江水色連堤潤  
越俗春聲隔岸還  
聖代牧人無遠近  
好將能事濟清閒

貧女吟

殘妝滿面淚闌干幾許幽情欲話難雲髻懶梳愁折鳳  
翠娥羞照恐驚鶯南郊送女初鳴珮北里迎妻已夢蘭  
惟有深閨顚顚質年年長凭繡牀看

夜宴觀妓

燈火熒煌醉客豪捲簾羅綺艷仙桃纖腰帕束金蟬斷  
鬢髮宜簪白燕高愁傍翠娥深八字笑迴丹臉利雙刀  
無因得薦陽臺夢願拂餘香到繡袍

元日田家

南村晴雪北村梅樹裏茅簷曉盡開  
蠻榼出門兒婦去鳥飛迎路女郎來  
相逢況祝新正壽對舉那愁暮景催  
長笑士林因管別一官輕是十年回

涼州詞三首

千里東歸客無心憶舊遊  
掛帆過白水高枕到青州  
君住孤山下烟深夜逕長  
轅門渡綠水遊苑繞垂楊  
樹發花如錦鶯啼柳若絲  
更遊歡宴地愁見別離時

題黃花驛

孤戍迢迢蜀路長  
鳥鳴山館客思鄉  
更看絕頂烟霞外  
數樹巖花照夕陽

涼州詞

昨夜蕃軍報國讐  
沙州都護破涼州  
黃河九曲今歸漢  
塞外縱橫戰血流

俠少年

綠眼胡鷹踏錦韉  
五花驄馬白貂裘  
往來三市無人識  
倒把金鞭上酒樓

聽曹剛彈琵琶

禁曲新翻下玉都  
四絃振觸五音殊  
不知天上彈多少  
金鳳銜花尾半無

定山寺

十里松蘿映碧苔  
一川晴色鏡中開  
遙聞上界翻經處  
片片香雲出洞來

石倉歷代詩選卷九十四



欽定四庫全書

石倉歷代詩選卷九十五

明 曹學佺 編

晚唐二十二

陳陶

字嵩伯  
劍浦人

遊子吟

棲烏喜林曙驚蓬傷歲闌關河三尺雪何處是天山朔  
風無重衣僕馬飢且寒慘戚別妻子遲回出門難男兒

值休明且是長泥蟠何者為木偶何人侍金鑾鬱鬱守  
貧賤悠悠亦無端進不圖功名退不處巖巖窮通在何  
日光景如跳丸富貴苦不早令人摧心肝誓期春之陽  
一振摩霄翰

雞鳴曲

雞聲春晚上林中一聲驚落蝦蟇宮二聲喚起枕邊夢  
三聲行人烟海紅平旦慵將百雛語蓬鬆錦繡當陽處  
愧君飲食長相呼為君晝鳴下高樹

空城雀

古城濛濛花覆水  
昔日佳人今住鬼  
野雀荒臺遺子孫  
十年飲啄孤桑根  
不隨海燕柏梁去  
應無玉環銜報恩  
近村紅粟香壓枝  
噉噉黃口訴朝飢  
生來未見鳳凰語  
欲飛常怕蜘蛛絲  
斷腸四隅天四絕  
清泉綠蒿無恐疑  
小弄笛

一尺玲瓏握中翠  
仙孤月浦呼龍子  
五夜琉璃紫夢卿  
九清鸞倚洪崖醉  
丹穴飢兒笑風雨  
媧皇碧玉星星語

蛇蝎愁聞骨髓寒江山恨老眠秋霧綺席鴛鴦冷朱翠  
星流露泣誰驅使江南一曲罷伶倫芙蓉水殿因風起

謫仙詞

牧龍丈人病歌秋羣童擊節星漢愁瑤臺鳳輦不勝恨  
今古一聲龍白頭玉氣蘭光久摧折上清雞犬音書絕  
霓旌失手遠于天三島空雲對秋月人間磊磊浮漚客  
鷺鷥蜻蛚飛自隔不應冠蓋逐黃埃長夢真君舊恩澤

獨搖手

漢宮新燕矜蛾眉春臺艷妝蓮一枝迎春侍宴瑤華池  
遊龍七盤嬌欲飛冶袖鶯鶯拂朝曦摩烟裊雪金碧遺  
愁鴻連環蠶曳絲颯還明珠掌中移仙人龍鳳雲雨吹  
朝哀暮愁引喔咿鴛鴦翡翠承宴私南山一笑君無辭  
仙娥泣月清露垂六宮燒燭愁風欹

自歸山

海岳南歸遠天門北望深暫為青瑣客不替白雲心富  
貴老閒事猿猱思舊林清平無樂志樽酒自瑤琴

哭王贊府

白水流今古青山送死生  
驅馳三楚掾倏忽一空名  
金玉埋皋壤芝蘭哭弟兄  
龍頭孤後進鵬翅失前程  
愁變風雲色悲連鼓角聲  
落星辭聖代寒夢閉佳城  
伊昔來江邑從容副國英  
德逾棲棘美公亞飲冰  
清大廈忘孤直羣儒憶老成  
白駒悲里巷梁木慟簪纓  
隴遂添新草珠還滿舊甕  
羸蒼蒼難可問原上晚烟橫

有所思

欲唱玄雲曲知音復誰是採掇情未來臨池畫春水

續古三首

南國珊瑚樹好裁天馬鞭魚龍不解語海曲空嬋娟  
魏宮薛家女秀色傾三殿武帝鼎湖歸一身似秋扇  
朝為楊柳色暮作芙蓉好春風若有情江山相逐老

臨風歎

芙蓉樓下飲君酒驪駒結言春楊柳豫章花落不見歸  
一望東風堪白首



蜀葵詠

綠衣宛地紅倡倡薰風似舞諸女郎南隣蕩子婦亡賴  
錦機春夜成文章

閒居雜興

一顧成周力有餘白雲閒釣五溪魚中原莫道無麟鳳  
自是皇家結網疎

越里娃童錦作襦艷歌聲壓郢中姝無人說向張京兆  
一曲江南十斛珠



水調詞

點敵迢迢未肯和五陵年少重橫戈誰家不結空閨恨  
玉筍闌干妾最多

羽管慵調怨別離西園新月伴愁眉容華不分隨年去  
獨有妝樓明鏡知

水閣蓮開燕引雛朝朝板折望金吾誰道磧西春不到  
花時還憶故園無

自從清野戍遼東舞袖香銷羅幌空幾度長安發梅柳

節旄零落不成功

竹

萬枝朝露學瀟湘  
杳靄孤亭白石涼  
誰道乖龍不行雨  
春雷入地馬鞭狂

嘯入新篁一里行  
萬竿如甕鑲龍泓  
驚巢翡翠無尋處  
閒倚雲根刻姓名

玄圃千春閉玉叢  
湛陽一祖碧雲空  
不須騷屑愁江島  
今日南枝在國風

孟貫

字一之  
建安人

寄張山人

草堂南澗邊有客嘯雲烟掃葉林風後拾薪山雨前野  
橋通竹逕流水入芝田琴月相親夜更深戀不眠

宿山寺

溪山盡日行方聽遠鐘聲入院逢僧定登樓見月生露  
垂羣木潤泉落一巖清此景關吾事通宵寐不成

贈棲隱洞譚先生

先生雙鬢華深谷卧雲霞不伐有巢樹多移無主花石  
泉春釀酒松火夜煎茶因問山中事如君有幾家

春江送人

春江多去情相去枕長汀數雁別湓浦片帆離洞庭雨  
餘莎草綠雲散岸峰青誰共觀明月漁歌夜好聽

秋江送客

秋風楚江上送子話遊遨遠水宿何處孤舟泛夜濤浦  
雲沉雁影山月照猿啼莫為飢寒苦便成名利勞

過秦嶺

古今傳此嶺高下勢崢嶸  
安得青山路化為平地行  
蒼苔留虎迹碧樹障雞聲  
欲過一回首踟躕無限情

送吳夢閣歸閩

甌閩在天末此去整行衣  
久路逢春盡思家冒暑歸  
海雲添晚景山瘴滅晴暉  
相憶吟偏苦不堪書信稀

宿故人江居

渡口樹冥冥南山漸隱青  
漁舟歸舊浦鷗宿在前汀  
靜

榻懸燈坐閒門對浪局相思頻到此幾度醉還醒

送江為歸嶺南

舊山臨海色歸路失天涯此別各多事重逢是幾時江  
行晴望遠嶺宿夜吟遲珍重南方客清風失所思

山齋早秋雨中

深居少往還卷箔早秋間雨灑吟蟬樹雲藏嘯荻山炎  
蒸如便退衣葛亦堪閒靜坐得無事酒卮聊暢顏

山中訪人不遇

負琴蕪杖藜特地過巖西已見竹軒淨又聞山鳥啼長  
松寒倚谷細草暗連溪久立無人事煙霞歸路迷

寄遲上人

聞罷城中講來安頂上禪夜燈明石室清磬出巖泉欲  
訪慙多事相辭恨隔年終期息塵慮接話虎溪邊

早秋吟眺

新秋新雨後獨立對遙山去鳥望中沒好雲吟裏還長  
年慚道薄明代取身閒從有西征思園林懶閉關

山中夏日

深山宜避暑門戶映嵐光  
夏木蔭溪路晝雲埋石牀  
心源澄道靜衣葛蘸泉涼  
算得紅塵裏誰知此興長

夏日登瀑頂寺因寄諸知己

曾于塵裏望此景在烟霄  
崑靜水聲近山深暑氣遙  
杖藜青石路煮茗白雲樵  
寄語為郎者誰能破寂寥

寄故園兄弟

久與鄉闕阻風塵損舊衣  
水思和月泛山憶共僧歸  
林



想添隣舍溪應改釣磯弟兄無苦事不用別庭聞

過林逸人園林

谷口何時住烟霞一逕深水聲離遠洞山色出疎林雲彩從沾鬢年光不計心自言人少到猶喜我來尋

酬東溪史處士

咫尺東溪路年來偶訪遲泉聲迷夜雨花片落空枝石逕僧逢出山牀鶴見移貧齋有琴酒曾許月圓期

寄李處士

僧話磻溪叟平生重赤松  
夜堂悲蟋蟀秋水老芙蓉  
吟坐倦垂釣閒行多倚筇  
聞名來已久未得一相逢

送人遊南越

孑然南越去替爾畏前程  
見說路岐嶮不通車馬行  
瘴烟迷海色嶺樹帶猿聲  
獨向山家宿多應鄉里生

懷友人

浮世況多事飄流每歎君  
路岐何處去消息幾時聞  
吟裏落秋葉望中生暮雲  
孤懷誰慰我夕鳥自成羣

陳誦

字載物  
閩縣人

寄邵校書楚萇

愛酒時稱僻，高情自不凡。  
向人方白眼，違俗有青巖。  
雲際開三逕，烟中掛一帆。  
相期同歲晚，閒興與松杉。

登城樓作

井邑白雲間，嚴城遠帶山。  
沙墟陰欲暮，郊色淡方閒。  
孤逕迴榕岸，層巒破柵關。  
寥寥分遠望，暫得一開顏。

郊行示友人

水開長鏡引諸巒春洞花深落翠寒醉向絲羅驚自醉  
與君清耳聽松湍

徐寅

字昭夢  
莆田人

旅次寓題

胡為名利役來往老關河白髮隨梳少青山入夢多途  
窮憐抱疾世亂恥登科却起漁舟念春風釣綠波

黃校書閑居

取得驪龍第四珠退依僧寺卜貧居青山入眼不干祿

白髮滿頭猶著書東澗野香添碧沼南園夜雨長秋蔬  
月明掃石吟詩坐諱却都無儋石儲

憶山中友人

憶得當年接善隣苦將閒事強夫君關開碧沼分明月  
各領青山占白雲近日藥方多繕寫舊來詩草半燒焚  
金門幾欲言西上惆悵關河正用軍

卜居延壽溪

賦就神都振大名斬蛇功與樂天爭于今延壽溪邊住

終日無人問一聲

林滋

字後象  
閩縣人

宴韋侍御新亭

烟磴披青靄  
風筵藉紫苔  
花香凌桂醕  
竹影落藤杯  
鳴籟將歌遠  
飛枝拂舞開  
未愁留興晚  
明月度雲來

春望

春海接長天  
青郊麗上年  
林光虛霽曉  
山翠薄晴烟  
氣暖禽聲變  
風恬草色鮮  
披襟扳石磴  
韶韶景自深  
憐

蠡澤旅懷

誰言行旅日況復桃花時水即滄浪遠星從天漢垂川  
光獨鳥暮林色落英遲豈是王程急偏多遊子悲

江為建陽人

送客

明月孤舟遠吟髭鑷更華天形圍澤國秋色露人家水  
館螢交影霜洲橘委花何當尋舊隱泉石好生涯

登潤州城

天末江城晚登臨客望微  
春潮平島嶼殘雨隔虹霓  
鳥與孤舟遠烟和獨樹低  
鄉山何處是目斷廣陵西

旅懷

迢迢江漢路秋色又堪驚  
半夜聞鴻雁多年別弟兄  
高風雲影斷微雨菊花明  
欲寄東歸信徘徊無限情

江行

越信隔年稀孤舟幾夢歸  
月寒花露重江晚水烟微  
岸直帆相望沙空鳥並飛  
何時洞庭上春雨滿蓑衣



塞下曲

萬里黃雲凍不飛  
磧烟烽火夜深微  
邊人移帳寒笳絕  
雪路時聞探馬歸



石倉歷代詩選卷九十五

欽定四庫全書

集部

石倉歷代詩選卷九十六至八

詳校官庶吉士臣范逢恩

侍讀臣孫球覆勘

總校官進士臣朱 鈐

校對官中書臣孫 球

膳錄監生臣吳壽朋

欽定四庫全書

石倉歷代詩選卷九十六

明 曹學佺 編

晚唐二十三

韓偓

字致堯京兆萬年人  
流寓閩中

五更

秋雨五更頭  
桐竹鳴蟬肩  
却似殘春候  
斷送花時節  
空樓雁一聲  
遠屏燈半滅  
繡被擁嬌寒  
眉山正愁絕

懶卸頭

侍女動妝奩故故驚人睡那知本未眠背面偷垂淚懶  
卸鳳皇釵羞入鴛鴦被時復見殘燈和烟墜金穗

幽獨

幽獨起清晨山鶯啼更早門巷掩蕭條落花滿芳草烟  
和魂共遠春與人同老默默又依依淒然此懷抱

幽窗

刺繡非無暇幽窗自斟酌手香江橘嫩齒軟越梅酸密

約臨行怯私書欲報難無憑  
諳鵲語猶得暫心寬

草書屏風

何處一屏風分明寄遠踪  
雖多塵色染猶見墨痕濃  
怪石奔秋澗寒藤挂古松  
若教臨水畔字字恐成龍

欲去

紛紜隔窗語重約踏青期  
縱得相逢處無非欲去時  
恨深書不盡寵極意多疑  
惆悵桃源路惟教夢寐知

意緒

絕代佳人何寂寞梨花未發梅花落東風吹雨入西園  
銀線千條度虛閣臉粉難勻蜀酒濃口脂易印吳綾薄  
嬌嬈意緒不勝羞願倚郎肩永相著

代小玉家為蕃騎所虜後寄集賢裴相國

動天金鼓逼神州惜別無心學墜樓不得迴眸辭傅粉  
便須含淚對殘秋拆釵伴妾埋青塚半鏡隨郎葬杜郵  
惟有此宵魂夢裏殷勤相覓鳳池頭

寄湖南從事

索莫襟懷酒半醒  
無人一為解餘醒  
岼頭柳色春將盡  
船背雨聲天欲明  
去國正悲同旅雁  
隔江何忍更啼鶯  
蓮花幕下風流客  
試與溫存譴逐情

避地寒食

避地淹留已自悲  
况逢寒食欲沾衣  
殘春孤館人愁坐  
斜日空園花亂飛  
路辱漸憂知己薄  
時危又與賞心違  
一名所繫無窮事  
爭取當年便息機

途中經野塘



世亂他鄉見落梅  
野塘晴暖欲徘徊  
船衝水鳥飛還上  
袖拂楊花去又來  
季重舊遊多喪逝  
子山新賦極悲哀  
眼看朝市為陵谷  
始信昆明有劫灰

半醉

水向東流更不回  
紅顏白髮遞相催  
壯心暗逐高歌盡  
往事空成半醉來  
雲護雁霜籠淡月  
雨憐鶯曉落殘梅  
西陵悵望芳菲節  
處處斜陽草似苔

春盡

惜春連日醉昏昏  
醒後衣裳見酒痕  
細水浮花歸別澗  
斷雲含雨入孤村  
人間易得芳時樂  
地迴難招自古魂  
慚愧流鶯相厚意  
清晨猶為到西園

午睡夢江外兄弟

長夏居閒門不開  
繞門青槿絕塵埃  
空庭日午獨眠覺  
旅夢天涯相見迴  
鬢向此時因有雪  
心從到處即成灰  
如何水陸三千里  
幾月書郵始一來

翫水禽

兩兩珍禽渺渺溪翠衿紅掌淨無泥向陽眠處沙成毯  
踏水飛來浪作梯依倚雕梁輕社燕抑揚金距笑晨雞  
勸君細認漁翁意莫遣絙羅悞穩棲

禁中作

銀臺直北金鑾外暑雨初晴皓月中惟對松篁聽刻漏  
更無塵土翳虛空綠香熨齒金盤果清冷侵肌水殿風  
坐久忽聞鈴索動玉堂西畔響丁東

偶見

千金莫惜買娉婷一笑從教下蔡傾  
仙樹有花難問種御香聞氣不知名  
愁來自覺歌喉咽瘦去誰憐舞掌輕  
小疊紅箋書恨字與奴方便送卿卿

三月

辛夷纔謝小桃發踏青過後寒食前  
四時最好是三月一去不回惟少年  
吳國地遙江接海漢陵魂斷草連天  
新愁舊恨知無奈須就隣家甕底眠

雪中過重湖信筆偶題

道方時險擬如何謫去甘心隱薜蘿  
青草湖將天暗合白頭浪與雪相和  
旗亭臘酌逾年熟水國春寒向晚多  
處困能閒應不怨醉來惟是欲傚傚

登閩南神光寺塔

無奈離腸日九迴強摠懷抱立高臺  
中華地向城邊盡外國雲從島上來  
四序有花長見雨一冬無雪却聞雷  
離宮紫氣生冠冕試望扶桑病眼開

苑中

上苑離宮處處迷，相風高與露盤齊。  
金階鑄出狻猊立，玉樹雕成翡翠啼。  
外使調鶯初得按，中官過馬不教嘶。  
笙歌錦繡雲霄裏，獨許詞臣醉似泥。

亂後却至近甸有感

征童容易犯公門，北屋齊人作旅魂。  
夜戶不扃生茂草，春渠自溢浸荒園。  
關中却是屯邊卒，塞外翻聞有漢村。  
堪恨無情清濁水，東流依舊遠秦源。

效崔國輔

淡月照中庭海棠花自落獨立俯閒階風動秋千索

又

羅幕生春寒繡窗愁未眠南湖夜半雨應濕采蓮船

宮詞

繡屏斜立正銷魂侍女移燈掩殿門燕子不歸花著雨  
春風應自怨黃昏

寄隣莊道士

聞說經旬不閉關藥窗誰伴醉開顏夜來雪壓村前竹

剩見溪南幾尺山

尤溪道中

水自潺湲日自斜  
畫無雞犬有鳴鴉  
千村萬落如寒食  
不見人煙空見花

醉著

萬里清江萬里天  
一村桑柘一村烟  
漁翁醉著無人喚  
過午醒來雪滿船

詠燈



高在酒樓明錦幕  
遠隨漁艇泊烟江  
古來幽怨皆銷骨  
休向長門背雨窗

遶廊

濃烟隔簾玉漏泄  
斜燈照燭光參差  
遶廊倚檻更惆悵  
微雨輕寒時落花

聞雨

香侵蔽膝夜寒輕  
聞雨傷春夢不成  
羅帳四垂紅燭背  
玉釵敲著枕函聲

聯綴體

院宇明秋日日長  
社前孤雁別遼陽  
隴頭鍼線年年事  
不喜寒砧擣斷腸

夜深

清江碧草兩悠悠  
各自風流一種愁  
正是落花寒食雨  
夜深無伴倚空樓

哭花

曾愁香結破顏遲  
今見妖紅委地時  
若是有情爭不哭

夜來風雨葬西施

已涼

碧欄干外繡簾垂  
猩色屏風畫折枝  
八尺龍鬚方錦褥  
已涼天氣未寒時

江樓

夢啼鳴咽覺無語  
杳微微望烟浦  
樓空客散燕交飛  
江靜帆稀日亭午

日高

朦朧猶認管絃聲  
嚙咋餘寒酒未醒  
春暮日高簾半捲  
落花和雨滿中庭

踏青

踏青會散欲歸時  
金車久立頻催上  
收裙整髻故遲留  
兩點深心各惆悵

中春憶贈

年年長是阻佳期  
萬種恩情只自知  
春色轉添惆悵望  
似君花發兩三枝

閨怨

時光潛去暗淒涼  
懶對菱花暈曉妝  
初折鞦韆人寂寞  
後園青草任他長

寒食夜有寄

風流大底是張張  
一度相思一斷腸  
雲薄月昏寒食夜  
隔簾微雨杏花香

石倉歷代詩選卷九十六

欽定四庫全書

石倉歷代詩選卷九十七

明 曹學佺 編

晚唐二十四

方干

字雄飛  
新定人

寄李頻

衆木已搖落望君猶未還  
軒居在何處雨雪滿前山  
思苦文星動鄉遙釣渚閒  
明年見名姓惟我獨何顏

東溪別業寄段郎中

前山含遠翠羅列在窗中盡日人不到一樽誰與同涼  
隨蓮葉雨暑避柳條風豈分長岑寂明時道豈窮

懷州客舍

誤飲覃懷酒誰知滯去程朝昏太行色坐卧沁河聲白  
道穿秦甸巖輦似戍城隣雞莫相促遊子自晨征

中路寄喻鳧

求名如未遂白首亦難歸送我樽前酒典君身上衣寒

蕪隨楚盡落葉渡淮稀莫歎千時晚前心豈便非

送趙明府還北

故林終不住劔鶴在扁舟盡室無餘俸還家得白頭鐘  
催吳岫晚月照渭河流曾是棲安邑恩期異日酬

夏日登靈隱寺後峰

絕頂無煩暑登臨三伏中深蘿難透日喬木更含風山  
疊雲霞際田傾江海東那知茲夕興不與古人同

聽新蟬寄張晝



細聲頻斷續審聽亦難分  
髣髴應移處從容却不聞  
蘭栖朝咽露樹隱暝吟雲  
莫遣鄉愁起吾懷祇似君

送姚舒下第遊蜀

蜀路何迢遞憐君獨去遊  
風烟連北敵山水別東甌  
九折盤荒坂重江遶漢州  
臨邛一壺酒能浣長卿愁

旅次錢塘

此地似鄉國堪為朝夕吟  
雲藏吳相廟樹引越山禽  
潮落海人散鐘遲秋寺深  
我來無舊識惟見寂寥心

送相里燭

相逢未卜期相送定何之不得長年少那堪遠別離泛  
湖乘月早踐雪過山遲永望多時立翻如在夢思

君不來

開花未零落心緒已紛紛久客無人見新禽何處聞舟  
隨一水過路出萬山分夜坐生愁望孤光必照君

金州客舍

淹薄羣峰暮蕭條未掩關江流嶓冢雨路入漢皇山落

葉歌眠後孤砧倚望間此情偏耐醉難遣酒罌閒

途中逢孫輅因得李頻消息

灞上寒仍在柔條亦自新山河雖度臘雨雪未知春正  
憶同袍者堪逢共國人銜杯益無語與爾轉相親

送從兄郛

道路本無限又應何處逢流年莫虛擲華髮不相容野  
渡波搖月寒城雨翳鐘此心隨去鳥迢遞過重峰

送許溫

壯歲分益切髻年心即同當聞千里去難遣一樽空翳  
燭蒹葭雨吹帆橘柚風明年見親族喜集在懷中

鏡中別業

寒山壓鏡心此處是家林梁燕窺春醉巖猿學夜吟雲  
連平地起月向白波沈猶自聞鐘角栖身可在深

又

世人如不容吾自縱天慵落葉憑風掃香秔倩水春花  
朝連郭霧雪後隔湖鐘身外能無事頭宜白此峰

經周處士故居

愁吟與獨行何事不傷情  
久立釣魚處惟聞啼鳥聲  
山  
蔬和草嫩江柳入籬生  
吾在茲溪上懷君恨不平

贈喻鳧

所得非衆語衆人那得知  
纔吟五字句又白幾莖髭  
月  
閣歌眠夜霜軒正坐時  
此時心更苦恐作滿頭絲

涵碧亭

高低作雜松積翠復留風  
路劇陰溪裏寒生暑氣中  
閒

雲低覆草片水靜涵空方見洋源牧心侔造化工

除夜一首

永懷難自問此夕衆愁興曉韻侵春角寒光隔歲燈心  
燃一寸火淚結兩行冰照育誠非遠陽和又欲昇

題碧溪山禪老

師步有雲隨師情惟鶴知蘿迷収朮路雲隔出溪時竹  
欽窺沙井巖禽立檜枝由來傲卿相卧隱答書遲

送鏡空上人遊江南

去住如雲鶴飄然不可留何山逢隻履一食在孤舟細  
雨蓮塘晚疎蟬隔岸秋應懷舊溪月夜過石窗流

新正

華門惆悵久時節暗來頻每見新正雪長思故國春雲  
西斜去雁江上未歸人苦憶年為客何媒得到秦

贈雪竇僧家

登寺尋盤道人烟遠更微石窗秋見海山靄暮侵衣衆  
木隨僧老高泉盡日飛誰能厭軒冕來此便忘機

贈碼碯山禪者

苒草不停獸因師山更靈  
村林朝乞食風雨夜開扃  
井味兼松粉雲根著淨鉞  
塵勞如醉夢對此暫能醒

酬故人陳乂都

遠別那無夢重遊自有期  
半年鄉信到兩地素心知  
坐久吟移調更長硯結澌  
文人才力薄終怕阿戎知

閏月

幕幕復蒼蒼微和傍早陽  
前春寒已盡待閏日猶長  
柳



變雖因雨花遲豈為霜自茲定聖歷誰不駐年光

東溪言事寄子丹

日月晝夜轉老年難駐留軒窗繞過雨枕簟即知秋天  
際雁行出溪中虹影收惟君壯心在應笑卧滄洲

暮發七里灘夜泊嚴光臺下

一瞬即七里箭馳猶是難檣邊走嵐翠枕底失風湍但  
訝猿鳥定不知霜月寒前賢竟何益此地誤垂竿

處州洞溪

氣象四時清無人畫得成衆山寒疊翠兩派瀑分聲坐  
月何曾夜聽松不似晴混元融結後便有此溪名

稱心寺中島

水木深不極似將星漢連中州惟此地上界別無天雪  
折停猿樹花藏浴鶴泉師為終老意日日復年年

寄普州司倉賈島

亂山重復疊何路訪先生豈料多才者空垂不世名閒  
曹猶得醉薄俸亦勝畊莫問吟詩苦年年芳草平

贈中岳僧

坐來叢木大誰見入巖年多病長留藥無憂亦是禪  
搭牀移片石春粟引高泉盡願求心法逢誰擬即傳

遊竹林寺

得路到深寺幽虛曾識名蘚濃陰砌古烟起暮香生  
曙月落松翠石泉流梵聲聞僧說真理煩惱自然輕

白艾原客

原上桑柘瘦再來還見貧滄州幾年隱白髮一朝新敗

葉平空墜殘陽滿近隣閒言說知己半是學禪人

朔雁

寥寥落何處一夜過寥天送苦秋風外吹愁白髮邊望  
鄉皆下淚久戍獨無眠寂寞空沙曉開眸片月懸

冬夜泊僧舍

江東寒近臘野寺水天昏無酒能消夜隨僧早閉門照  
牆燈焰細著瓦雨聲繁漂泊仍千里清吟欲斷魂

新秋獨夜寄戴叔倫

遙夜獨不卧寂寥庭戶中  
河明五陵上月滿九門東  
萬里親朋散故園滄海空  
歸懷正南望此夕起秋風

送沛縣司馬丞之任

舉酒一相勸逢春聊盡歡  
羈遊故交少遠別後期難  
路上野花發雨中青草寒  
悠悠兩都夢小沛與長安

送盧評事東歸

萬里楊柳色出關隨故人  
輕烟覆流水落日照行塵  
積夢江湖潤憶家兄弟貧  
徘徊灞橋上不語共傷春

清明日送鄧芮還鄉

鐘鼓喧離室車徒促夜裝  
曉榆新變火輕柳暗翻霜  
轉鏡看華髮傳杯語故鄉  
每嫌兒女淚今日自沾裳

江州送李侍御歸東洛

獨乘驄馬去不並旅人還  
中外名卿貴田園高步閒  
暮春經楚縣新月上淮山  
道路空瞻望軒車不敢攀

收兩京後還上都兼訪一二親故

離堂千里客歸騎五陵人  
路轉巫關晚烟開上苑新  
天

涯將野服闕下見鄉親問得存亡事裁書寄海濱

湖南使院遣情送江夏賀侍郎

雲雨一消散悠悠關復河俱從泛舟役遂隔洞庭波  
水去不盡秋風今更過無由得相見却恨寄書多

汝南過訪田評事

移家近漢陰不復問華簪買酒宜城遠燒田夢澤深  
山逢鳥入寒水見魚沈與物皆無累終年愜本心

送王信翁登科後歸江東

南行無俗侶秋雁與寒雲野性自深愜鄉居人共聞吳  
山中道斷浙水半江分此地登臨慣含情一送君

送饒州王司法之任兼寄朱處士

莫愁還作吏且喜速迴車留醉悲殘歲含情寄遠書共  
看衰老近轉覺宦名虛遙想清溪畔幽人得自如

殘秋送友

早為千里別况復是秋殘木葉怨先老江雲愁暮寒交  
情如水澹離酒泛杯寬料想還家後休吟行路難



客行

藕葉綴為衣東西泣路歧鄉心日落後身計酒醒時觸  
目多添感凝情足所思羈愁難盡遣行坐一低眉

山中即事

趨世非身事山中適性情野花多異色幽鳥少凡聲樹  
影搜涼卧苔光破碧行閒尋採藥處仙路漸分明

秋夜

殘砧驚睡醒欹枕已三更夢破寂寥思燈殘零落明空

窗閒月色幽壁靜蟲聲況是離鄉久依然無限情

送剡縣陳永秩滿歸越

俸祿三年後程途一月間舟中非客路鏡裏是家山密  
雪霑行袂叢杯變別顏古人惟賀滿今挈解由還

示鄉叟

暮齒甘衰謝逢人惜別離青山前代業老樹此身移買  
藥將衣盡尋芳見字遲如何鑷殘髮覽鏡變成絲

送姚合員外赴金州

受詔從華省開旗發帝州野烟新驛曙殘照古山秋樹  
勢連巴沒江聲入楚流惟應行化後吟句上雲樓

山中寄吳礪十韻

莫問終休否林中事已成盤餐憐火種歲計付刀耕  
掬水昏花氣聽松似雨聲書空翹足卧避儉側身行  
果傍閒軒落蒲連濕岬生禪僧知見理妻子笑無名  
更擬教詩苦何曾待酒清石溪魚不大月樹鵲多驚  
砌下通樵路窗間見縣城雲山任重疊難隔故交情

鏡湖西島言事寄陶校書

樵獵兩三戶凋疎是近隣風雷前壑雨花木後巖春文  
字不得力桑麻難救貧山禽欺稚子夜犬吠漁人未必  
聖明代長將雲水親知音不延薦何路出泥塵

除夜一首

玉漏斯須欲報晨四時吹轉任風輪寒燈短燼方燒臘  
畫角新聲已報春明日便為經歲客昨朝猶是少年人  
新正定數隨年減浮世惟應百徧新

書桃花塢周處士壁

醉吟雪月思深苦思苦神勞新髮生自學古賢修靜節  
惟應野鶴識高情細泉出石飛難盡孤竹和雲濕不鳴  
何事懶于嵇叔夜更無書札答公卿

題桐廬謝逸人江居

少小高眠無一事五侯勲盛欲如何湖邊倚竹寒吟苦  
石上橫琴夜醉多鳥自樹梢隨果落人從窗外卸帆過  
由來朝市為空憶可要棲身向薜蘿

送人宰永泰

今永福縣

北人雖泛南來水，稱意南行莫恨賒。  
道路先經毛竹嶺，風烟漸近刺桐花。  
舟停漁浦猶為客，縣入樵溪似到家。  
下馬政成王事少，應容閩吏日高衙。

茆山贈洪拾遺

聖代諫臣停諫舌，求歸故里傲雲霞。  
溪頭講樹纔漁艇，篋裏朝衣輸酒家。  
但愛身閒辭祿俸，那嫌歲計在桑麻。  
我來幸與諸生異，問答時容近絳紗。

贈處州段郎中

幸見仙才領郡初，郡城孤峭似仙居。  
杉蘿色裏登臺閣，瀑布聲中閱簿書。  
德重自將天子合，情高元與世人疎。  
寒潭是處清連底，賓席何心望食魚。

書法華寺上方禪壁

砌下松巔有鶴棲，孤猿亦在鶴邊啼。  
卧聞雷雨歸巖早，坐見星辰去地低。  
一逕穿緣應就郭，千花掩映似無溪。  
是非生死多憂惱，此日蒙師為破迷。

陪王大夫泛湖

去去陵晨廻見星木蘭舟穩畫橈輕白波潭上魚龍氣  
紅樹林中雞犬聲密炬燒殘銀漢晨羽觴飛急玉山傾  
此時簡點諸名士却是漁翁無姓名

贈會稽張少府

高節何曾似任官藥苗香潔備常餐一分酒戶添猶得  
五字詩名動即難笑我無媒生鶴髮知君有意借魚竿  
明年莫便還家去鏡裏雲山且共看



湖北有茅齋湖西有松島輕棹往返頗諧素心  
因成四韻

湖北湖西往復還朝昏只處自由間暑天移榻就深竹  
月夜乘舟歸淺山遠砌紫鱗欹枕釣垂簷野果隔窗攀  
古賢暮齒方如此多笑愚儒鬢未斑

山中言事

欹枕亦吟行亦醉卧吟行醉更何營貧來尚有故琴在  
老去不過新髮生山鳥踏枝紅果落家童引釣白魚驚

潛夫自是孤雲侶可要王侯識姓名

山中言事

日與村家事漸同燒松啜茗學隣翁  
池塘月撼芙蓉浪窗戶涼生薜荔風  
書幌晝昏嵐氣裏巢枝夜折雪聲中  
山陰釣叟無知己窺鏡擣多鬢欲空

題陶詳校書陽羨隱居

芸香署裏從容步陽羨山中嘯傲情  
竿底紫鱗輸釣伴花間白犬吠流鶯  
長潭五月含冰氣孤檣中宵學雨聲

便泛扁舟應未得  
鷓鴣夷棄相始垂名

與鄉人鑒休上人別

此日因思話鄉里  
故鄉風土我偏諳  
一枝竹葉如溪北  
半樹梅花似嶺南  
山夜獵徒多信犬  
雨天村舍未催蠶  
如今休作還家意  
兩鬢垂絲已不堪

寄江陵王少府

分手頻曾變寒暑  
迢迢遠意各何如  
波濤一阻兩鄉夢  
歲月無過雙鯉魚  
吟處落花藏筆硯  
睡時風雨濕圖書

比來俗輩皆踈我惟有故人心不踈

于秀才小池

一泓潏灩復澄清半日工夫斲小庭  
占地未過三五尺浸天惟入兩三星  
鷗舟草際浮霜葉漁父沙邊駐小螢  
纔見規模試方寸知君立意在滄溟

登新城縣贈蔡明府

楊震東來是宦遊政成登此自消憂  
草中白道穿村去樹裏清溪照郭流  
縱目西山宜永日開襟五月似高秋

不知縣籍漆新戶但見川原桑柘稠

叙錢塘異勝

暖景融融寒景清越臺風吹曉鐘聲四郊遠火燒烟月  
一道驚波撼郡城夜雪未知東岬綠春風猶放半江晴  
謝公吟處依稀在千古無人繼盛名

送吳彥榮赴舉

用心精至自無疑千萬人中似汝稀上國纔將五字去  
全家便待一枝歸西陵柳路搖鞭盡北固潮程挂席飛

相見明年榜前事當時分散著萊衣

送晉陵王少府赴舉

相看不忍盡離觴五兩牽風速去檣  
遠驛新砧應弄月初程寒角未吹霜  
越山直下分吳苑淮水橫流入楚鄉  
珍重鄰家好兄弟明年分理在何方

和于中丞登扶風亭

避石攀蘿去不迷行時舉步似丹梯  
東軒海日已相照下界晨雞猶未啼  
郭裏雲山全占寺村前竹樹半藏溪

謝公吟望多來此此地應將峴首齊

陽亭言事獻漳州于使君

重疊山前對酒樽騰騰兀兀度朝昏  
平明疎磬白雲寺遙夜孤砧紅葉村  
去鳥豈知烟樹遠驚魚應覺露荷翻  
旅人寄入逢黃菊每見北人思故園

題越州袁秀才林亭

清邃林亭指畫開幽巖別派象天台  
坐牽蕉葉題詩句卧看藤花落酒杯  
白鳥不歸山裏去紅鱗多向鏡中來

終年此地為吟侶早起尋君薄暮回

題長洲陳明府小亭

坐看孤峭却勞神還是微吟到日曛  
松鶴認名呼得下沙蟬飛處隔猶聞  
夜來亦似深山月雨後惟關滿屋雲  
便此逍遙應不易朱衣紅旆未容君

郭中山居

莫見一瓢離樹上猶須四壁在林間  
沈吟不寐先聞角屈曲登高自有山  
澗口迸泉聽未足亞窗紅果卧堪攀



公卿莫便遺名姓却與禽魚作往還

思江南

昨日草枯今日生羈人又動望鄉情夜來有夢尋歸路  
不到桐廬已及明

君不來

遠路東西欲問誰寒來無處寄寒衣去時初種亭前樹  
樹已勝巢人未歸

經李羣玉故居

許直上書難過主銜究下世未成翁琴樽劍鶴誰將去  
惟鍊山齋一樹風

別孫蜀

吳越思君意易傷別君添我髮邊霜由來浙水偏堪恨  
截斷千山作兩鄉

石倉歷代詩選卷九十七